

**Sanaartornermi ilinniartoqartarneq pillugu Namminersorlutik Oqartussat nalunaarutaat nr. 10, 12. juli. 2010-meersup allanngortinneqarnissaa pillugu Naalakkersuisut peqquneqarnissaannik Inatsisartut aalajangiiffissaattut siunnersuut, taamaalilluni Nalunaarummi pineqartumi neqerooruteqartitsisup neqerooruteqarnissamut najoqqtassani piumasaqaatigineqartut amerlillugit sanaartugassap minnerpaamik 12 mio. koruuninik naleqarpat ilinniartut sisamat atorfinitssinnejassasut taamatuttaaq sanaartugassaq minnerpaamik 15 mio. koruuninik naleqartillugu ilinniartut tallimat atorfinitssinnejassasut.**

(Inatsisartuni ilaasortaq Per Berthelsen, Siumut)

### **Akissuteqaat**

(Ineqarnermut, Attaveqarnermut Angallannermullu Naalakkersuisoq)

Siunnersuummi matumani siunertaasut Naalakkersuisut tamakkiisumik tapersorsorpaat, kisiannili siunnersuutip imaanut aalajangersimasunut oqaaseqaatissaqarlutik. Taakku matuma kinguliani nassuaatigissavakka.

Siullermilli ataatsimiinnermi matumani oqaluuserisassani nr. 100-mi inatsisisssatut siunnersuut, Naalakkersuisunit saqqummiunneqartoq qiviaqqussavara. Tassani pineqarpooq "Sanaartornermi neqerooruteqartitsisarneq pillugu Inatsisartut inatsisaata allanngortinneqarnissaannik Inatsisartut inatsissaattut siunnersuut, ulluinnarni neqerooruteqarnermut inatsisitut taagorneqartoq.

Inatsisisssap suliniutigineqarnerani suliassamik tunniussisoqartillugu pisortanit neqerooruteqartitsisut neqerooruteqartitsisullu allat, neqerooruteqarnermut inatsimmi aalajangersakkanut ilaatinneqartut – akiusoq kissat isiginiaragu – inuiaqatigiit aningaasaqarnerannik aallaaveqartunik ilaatisisarnissaat siunertaasuni pingaarnersaavoq.

Neqerooruteqartitsisup neqerooruteqartitsinermi suliassap aalajangersimasup suliarineqarnissaanut ilinniartunik sapinngisamik amerlanerpaanik atorfinitssinissaanik kissaateqarneq tassunga assersuutigineqarsinnaavoq. Tassalu sanaartornissamut isumaqatigiissut pillugu unammillertitsinermi suliffeqarfinti ilinniarfissanik arlalinnik pilersitsisarnissamut neqerooruteqartut kajumissaarneqartassapput.

Apeqqutit attuumassuteqartut, Akileraartarnermut Atugarissaarnermullu Ataatsimiititaliap isumaliutissiissutaanni saqqummiunneqartut inatsisisssatut siunnersuutip atuutsinnejalernerani saqqummiunneqarluarsinnaasut Naalakkersuisut isumaqarput.

Inatsisisssamik suliniuteqarnikkut Per Berthelsenip sanaartornermi ilinniartunik atorfinitssinissamut piumasaqaatit sukannernerulersinnejarnissaannik kissaateqarnera Naalakkersuisut taamaalillutik akuersarpaat.

Ilinniartoqarnermut nalunaarummi, Per Berthelsenip allanngortinneqartussatut siunnersuutigisaani pisortat sanaartugaanni imaluunniit sanaartukkani pisortanit tapiiffigineqartuni 3 mio. koruunit sinnerlugit naleqartuni ilinniartunik atorfinitssinissamik piumasaqaatit minnerpaaffissaat aalajangersarneqarpoq. Suliffeqarfinti pisortat

sanaartugassaataannik imaluunniit sanaartugassanik pisortanit tapiiffigineqartunik suliaqartut tamarmik piumasaqaatit minnerpaaffissaannut ilaatinneqarput, taassumalu – sananermut akiusoq apeqqutaillugu – ilinniartunik ikinnerpaamik pingasunik atorfinititsinissaq kingunerisinnaavaa.

Kisiannili suliffeqarfinnit, pisortat sanaartugassaataannut akuerineqartunit amerlasuut ilinniartunik atorfinititsinissamut piumasaqaatinik naammassinnereersimasarput. Taamaattumik ullumikkut ilinniartunut nalunaarut sunniuteqavissimanersoq ilisimaneqanngilaq.

Ilinniartunut nalunaarut sukannererulersillugu allanngortinnejangannginnerani tamanna eqqarsaatigineqartariaqarpoq.

Neqerooruteqartup suliakkiissut pissarsiarisinnaassappagu, suliffeqarfimmi ilinniartut aalajangersimasumik amerlassusillit atorfeqartinneqarnissaat ilinniartunut nalunaarummi taamaallaat piumasarineqarpoq. Aaqqissuussineq suliffeqarfinnit eqaatsumik atorneqarsinnaavoq, tassami ilinniartut suliamic naammassilerumiit suliassamut neqerooruteqarfigitinnejartumut nuutsinnejarsinnaapput. Taamaalluni suliffeqarfiiut nutaanik atorfinititsinissamik pinngitsuuisinnaapput.

Tamanna pissutigalugu sanaartugassanut neqerooruteqartitsivigineqartunut ilinniartunik qanoq amerlanerutigisunik atorfinititsisoqartarnersoq nalorninarsisarpoq.

Kiisalu pissutsit sulianut tunngassuteqartut arlallit eqqarsaatigineqartariaqarput:

Ilinniartut amerlassusaat sulisunut suliassamik isumaginnittussanut tamarmiusunut naleqqiullutik naleqquttussaapput.

Kiisalu neqerooruteqartoq suliassap suliarinissaanut piffissap atorneqartup saniatigut pisussaaffilerneqarsinnaanngilaq.

Tamatuma saniatigut Naalakkersuisut maannakkorpiaq ilinniartut suliffeqarfinni misiliilluni sulinissamut ajornartorsiuteqarnerisa aaqqinnejarnissaanut pilersaarutissatut siunnersuummik ataatsimoortumik suliaqaleruttorput. Taanna suliniutissanik arlalinnik, ajornartorsiutinut inuuusuttorpassuit inuussutissarsiornermut ilinniagaqalernissaannut akimmisaarfiusartunut qaangiiniarnermi ingerlanneqartussanik imaqassaaq. Taanna ilaatigut suliassanut ilinniarfiiut siulersuisui suleqatigalugit suliarineqarpoq.

Tamatumunnga paasinninneq tunngavigalugu aammalu oqaluuserisassani nr. 100-mi inatsisisstatut suliniutissaq taaneqartoq eqqarsaatigalugu ilinniartunut nalunaarutip sukannererulersinneqarnissaanik siunnersuut itigartinnejqassasoq Naalakkersuisut inassutigaat.